



SULTAN SHARAFUDDIN IDRIS SHAH berjabat tangan dengan para pemenang anugerah selepas merasmikan Istiadat Konvokesyen UPM, Serdang semalam. Turut hadir, Aini Ideris (kanan). - UTUSAN/FAUZI BAHRUDIN

Bersatu demi kestabilan negara

Oleh AZRUL HAKIMIE ANUER
pengarang@utusan.com.my

■ KUALA LUMPUR 22 OKT.

PARA graduan perlu bersatu hati bersama masyarakat dan pemimpin bagi memperkuuh dan meningkatkan perpaduan serta kestabilan negara.

Sultan Selangor, Sultan Sharafuddin Idris Shah bertitah, kebersatu mampu menjadikan sesebuah negara berdaulat dan dipandang tinggi di mata dunia.

Baginda yang merupakan Canselor Universiti Putra Malaysia (UPM) bertitah, graduan antarabangsa pula perlu memainkan peranan sebagai duta di negara mereka dan menggunakan segenap peluang yang ada untuk

melonjakkan kecemerlangan.

"Jika bukan para graduan, pada siapa lagi boleh diletakkan tanggungjawab dan amanah untuk membawa negara ke tahap yang lebih maju, selain memastikan warisan budaya dan sumber yang dimiliki dapat diteruskan untuk generasi akan datang," titah baginda ketika merasmikan Istiadat Konvokesyen UPM Ke-40 dekat sini hari ini yang turut dihadiri Naib Canselornya, Prof. Datin Paduka Dr. Aini Ideris.

Seramai 7,200 graduan dari pada pelbagai program pengajian menerima ijazah dan diploma dalam majlis konvokesyen berlangsung selama empat hari bermula hari ini sehingga 25 Oktober ini.

Sempena majlis konvokesyen itu, UPM turut menganugerah-

kan gelaran Profesor Emeritus kepada Tan Sri Dr. Nayan Ariffin; Prof. Datuk Dr. Wan Md. Zin Wan Yunus; Datuk Dr. Kamel Ariffin Mohd. Atan dan Datuk Abang Abdullah Abang Alli.

Sultan Sharafuddin bertitah, UPM harus mempergiatkan aktiviti bersama industri dan komuniti bagi memperoleh manfaat dalam jangka panjang.

Titah baginda, selain akademik, pelajar akan turut diperkaya dengan pengalaman industri berdasarkan keperluan pasaran.

"Beta dimaklumkan universiti telah menawarkan program ba-



UTUSAN MALAYSIA

MINGGUAN MALAYSIA

haru iaitu Dua Universiti + Dua Industri atau ringkasnya 2+2 iaitu Ijazah Sarjana Muda Sains Pengurusan Perladangan. Menerusi program ini pelajar dikehendaki belajar di universiti selama dua tahun dan praktikal bersama industri selama dua tahun," titah baginda.

"Program ini merupakan hasil kerjasama UPM dengan The Incorporated Society of Planters, melaluinya pelajar bukan sahaja memperoleh ijazah bahkan sijil perladangan syarikat yang menyertai program itu," tegas baginda.

Graduan hidap leukemia meninggal dunia

KUALA LUMPUR 22 Okt. - Pengorbanan seorang graduan Universiti Putra Malaysia (UPM), Allahyarham Maizulina Zulkeply yang sanggup memanjangkan tempoh pengajianannya selama tujuh tahun semata-mata mahu menjaga ibu yang sakit tidak akan dilupakan oleh ahli keluarga sampai bila-bila.

Menurut bapanya, Zulkeply Harun, 60, anaknya itu terpaksa mengambil kursus pengajian jarak jauh semata-mata kerana mahu menjaga isterinya, Maimunah Abdul Samat, 59, yang mengalami masalah saraf sehingga hilang keupayaan untuk berjalan.

Katanya, dia sedih namun reda

kerana anak kedua daripada lima beradik berusia 33 tahun itu tidak berkesempatan menggenggam Ijazah Sarjana Komunikasi Kemanusiaan yang sangat diidamkan selepas dijemput Allah lebih awal.

"Allahyarham meninggal dunia pada malam 18 Oktober lalu dalam pelukan saya akibat men-

derita penyakit leukemia. Mai-zulina merupakan seorang anak yang baik dan sangat cemerlang dalam pelajaran.

"Dia merupakan kebanggaan kami kerana sering mendapatkan keputusan yang baik dalam periksaan dan jejak itu turut diikuti oleh adik-adiknya," katanya.